

琴

隱

園

詩

集

琴隱園詩集卷三十一

武進 湯貽汾 雨生

琴隱集

丙午 年六十九

壽朱嶽雲鍊師七十

白門方外友樸老

王樸山

與鷹公

鷹巢

各抱千秋志誰如三

絕工老尤清興好生卽俗緣空七十年來事撚髭一笑中

師有自壽詩卅首

同調如君少相期汗漫遊世應無大藥仙必有良儔只恐

雲中鶴難尋海上鷗迢迢明月夜爲我夢揚州

予擬移家廣陵

卽事

妻病于復病心煩事更煩不知塵滿甌猶爲客開尊乞竹
歡詩叟催書鬧醉髡修琴兼琢硯索負又盈門

哭綬兒

爲爭薄祿報春暉忍病羈官未早歸命似殘年畱不住家

同客燕寄何依春回眼底高柯折

琴隱園古柏爲狂風摧折術者謂應在兒身

肉割心頭隻鶴飛

兒逝之前夕予夢落齒在手化爲鶴飛去

腸斷彌畱環泣際

猶將湯藥念親幃

兒瀕危之際猶頻以二親飲食湯藥爲問其時皆在病中也

兩弟多年歎望雲更誰寒暖問昏晨獨憐孝友由天性共

道襟懷亦古人墮地家無生死客去官名在子孫貧一坏

或比菟裘易猶自荒庵野水濱

君恩祖德繫懷深蟲背山重力不任康濟徒存憂國念烝

嘗未竟報先心

兒建忠孝祠欲置祭田未遂

寒窗炙硯頻償諾病榻攤

書枉惜陰事事回頭增涕泗那堪魂夢又相尋

一臥滄江髯未蒼豈知先我熟黃梁若教射虎身同健或

許屠鯨志共償術士無靈羞舌在騷人有淚痛琴亡從今

絲竹皆嵇散

兒工琴兼擅竹肉予所著傳奇諸種能按譜教婢子輩歌之

寂寞東山徑

欲荒

但藉琴書習養生于秋要與綠天爭

病中日事臨池謂使心有所主擬書懷素

千文廿卷分贈諸友書至十六卷而病加劇日力不逮矣

直看腕底龍蛇活才覺胸中

塊壘平天上更誰耽翰墨世間何物是公卿金壺享用過

金印祇惜前功誤請纓

老淚流乾病不支忍哉骨肉棄如遺逢人便觸傷心事舉

琴隱園詩集

卷三十一

二

筆都成哭子詩萬里鵬雲看豎子十年螢雪賸孤兒可憐
晚景畱難久遣盡煩憂亦已遲

題錢石葉少尹畫梅

白門隱仙庵能仁寺陶谷三老梅皆相傳六朝物
而隱仙最先嘉慶初予猶及見不知何年枯死庵
主王樸山移他梅傍其舊幹宛然孫枝然不久復
枯今再補者槎枒成蔭矣少尹作圖貽予遂爲題
之

畫梅攝梅魂清氣溢畫外能令後村怕劉後村跋楊補之
墨梅云予少時有
落梅詩爲李定舒宣輩箋注幾陷罪罟後見梅花輒怕見
畫梅花亦怕然不能不爲補之作跋小兒觀讎又愛又怕
予於梅不獨老蓮愛隱仙有老梅逢君欣入畫古幹若虬
花亦然

龍積蘚成鱗介又似仙槎橫千年枯不壞輸君寫照工筆
底煙霞會入我畫梅樓衆香嗤不逮兒童語錯愕疑是神
仙繪溯我看梅時弱冠隨先輩匆匆五十年梅死孫枝大
孫枝復早凋續此螟蛉再憐君來何遲但見梅遺蛻六朝
遺老三盤礴茲其最太息王方平橫琴常靜對護花同保
赤望花如望歲三徑空蒿萊荒庵幾興廢五十年前人祇
今無一在聖賢且朝露遑論草木細一笑發高吟斯圖長
字內

瓦官寺

四百鐘聲剩瓦官榛叢來覓斷碑看金仙壁立休惆悵縱
有長康打剎難

晉興甯中瓦官寺初置僧衆請朝賢鳴剎
注疏無過十萬者顧愷之直打剎注百萬

率隱園詩集

卷三十一

三

在寺閉戶月餘畫維摩詰於壁開戶光照
一寺施者填咽俄滿百萬見歷代名畫記

四月十八日招侯青甫廣文熊松喬沈禮田兩太守
於蓮亭胡心梅兩觀察袁竹畦少尹集隨園看芍
藥蓮亭詩成卽次其韻

年年亞榼趁春晴花插霜顚笑滿城今歲眉頭渾未展者
回婪尾亦忘情忽看曉起收殘雨便恐遲來賸落英折柬
欣逢諸老健吾生況是酒爲名

尋詩幾度小倉游不怕先生在上頭老怯團金耽雅集癡
貪倚玉動春愁直教羅綺千年妬算把繁華六代留蘭粟
猶堪數回醉綠蘿門巷已人稠

自題移山圖

朱石梅得木於宣城宛然三峯予愛而有之名之
曰小三山六舟圖之陳岳樓與兒子祿名補四童
子昇之

此欲移之東彼欲移之西紛紛兒戲耳孰知爲我移我移
此山亦何愚填海不足架筆粗諦觀況是爨下物欲棄卻
憐奇突兀滄桑閱歷筋骨堅盛衰獨憶三千年壺中橘裏
可終老我有此山將隱焉

雞鳴寺

年年來看後湖荷閣檻招涼半翠蛾借問黃頭何處去空
山今日野狐多

誌公名黃頭曾稽僧大德嘗
疑誌公是狐魅見葦江集

寄孫雲溪

晉堦

檢討君祖大山嘗與予同官雲中君

時隨侍

卅載同官盡兒孫鬢亦斑忽來雲外雁如覩夢中顏天篤
循良後名高侍從班使星勞望眼江上好煙鬟

借問蘭臺鶴

恆岳別名蘭臺府見括地志

高吟別後誰雙丁推畏友二

酉出名師

君嘗官廣文

聚散煙雲過升沉涕淚滋雲泥尋不得

孤負玉華

名峯芝

胡璞歸無恙書城閉獨堅有時還荷篠荒隴自耕煙十載

三攜手千秋一逝川愛吟頭白盡常話舊因緣

君問胡青均近狀

均嘗同客雲中交君最先

病魔猶未卻萬慮借書拋詩是心頭事山爲世外交靜兼

絲竹廢

近以綬兒奄化不親絲竹將半載矣

老受燕鶯嘲生計君休問秋風

捲屋茅

題黃秋園

鼎

布衣詩稿

我見秋園詩未見秋園面詩見秋園心面亦何須見嶽雲
茹芝客咳唾帶煙霞交君恆在口知君富五車入室唯清
風對飲但明月避俗雙短扉中懷若冰雪此鳥安可籠聞
之郭元瑜徒爲稻粱計鳳凰甘在箴貧樂及妻孥飢腸鳴
萬古道義存斯人心肝餘片楮我友古狂者董小樂志在
邱園惜君不及見同是義皇民

夢綬兒

汝亡七閱月今夜忽相見見汝立當風促汝衣裳換憐汝
病骨羸珍重期強健覺來淚如縷恍惚猶身畔悲哉死生

殊無異霄淵判霄遠尚可瞻死者雲煙散汝魂若尙存親
前應屢見畢竟魂有無能否往來便如何一問之泉路無
魚雁

題計曦伯小滄浪吟社圖

滄浪水與句同情只合吟成鷗鷺聽轉悔當年離別易不
曾同醉碧波亭

萬梅花裏一團焦面壁何曾理障消我欲相攜來結夏談
詩同就阿龍超謂覺阿上人

愛此幽居絕點塵漁榔出沒梵鐘頻披圖別有山邱感幾
箇陳遵閣裏人陳芝楣官保有小滄浪吟館圖予圖中人

題汪彥石獻珩茂才太華峯頭作重九圖

平生邱壑喜窮搜五嶽猶餘華未遊卻笑希夷貪穩臥雲
山孤負好清秋

太華鐘聲夜夜聞清才屈指孰如君忽然帝座通呼吸一
段酒香浮出雲

竹垞老人遺硯

無言片石著千秋史局隨身到白頭慨我多年磨盾鼻傷
心祖硯不曾留

陳言吾之瑞司訓鍛隱圖

百鍊都成繞指媒一生辛苦育英才知君好此功無量鍛
出人間鐵漢來

汪玉年處士新居

昔我曾思此買鄰雙槐冠綠四無塵輸君一榻隨陰誦不
識門多襍穢人

田壽金采芝圖

艱難負米幾人憐親壽還期似老簪采得瓊芝當甘旨知
君不是爲求仙

白頭翁

記否吳王宮裏游繁華過眼幾春秋而今一樣看花愛未
必花還愛白頭

九日雞籠山

傑閣幽亭一望新秋林紫翠益精神年來腰腳渾無力孤
負青山作比鄰

回頭六十九重陽有幾重陽暢咏觴叢菊年年相見好酒

徒零落斷人腸

是日爲方雲室送葬

嘉慶乙亥曾賓谷先生開藩廣東人日張宴召集名

流綬兒髫年與會貽詩成卷倏越卅年賓主俱盡

偶然入目揮淚題此

當年九曜盛壺觴

九曜一石藩署齋名

入幕荷衣認粉郎七字同賡

疲餓隸

諸公贈詩皆郭蘭池一手錄成長卷

衆山皆響訝雛鳳

賓谷先生贈句其家老鳳

聲解

豈期

主客攜天上剩取風流話道旁吞淚何

堪重觸手卅同人日一黃梁

自乙亥至乙巳兒逝忽三十年矣

題侯抑庵

雲錦

孝廉自書墓誌

達者多不羈浮生輕過客落落千秋名悠悠萬古宅斯人

不可作造物固難測孝友至性胎窮通夙因植展卷如聞
聲悲哉數行墨我吟元亮詩亦讀司空碣涕泗不自知況
君吾舊識別君五十載登堂春草碧四海一子由青甫沒廣文
勤話疇昔昔別君尙強揮手人天隔茫茫孰歸路歸路難
重覲君自輓云日日打包尋歸路已經遲了匆匆結局戀殘棋還要下麼不朽餘文章知音
亦難得泉臺遠風鶴安臥誰驚迫嗟我垂暮年歷此無窮
厄有兒殉微祿三年枕戈戟一病不復生賁恨未殺賊至
今歸骨難何處謀窀穸

展亡兒遺照感賦

少日人人羨騏驎富貴不來衰病至傷心春去誰能留紙
上空餘千點淚兒照名春園千點淚兒安知阿翁七十今哭兒

與兒見亦無多時兒母思兒病已久兒弟悲兄又愁母夜
不能眠十常九兒安知阿翁苦囊無錢欲懸金幸兒已死
不得知不死窮愁愁殺兒

凌雲峯贈孟棠廉訪先之以詩

我有一石名凌雲高與閣齊不易得月中倒影徑千丈矗
立空庭天柱直抱琴相對疑通神瞥面常驚三徑客昨聞
我友別墅成南北東西購奇石穿林夾澗紛嶙峋半自名
園半山澤洞深猶帶齊州煙苔古遙從綠楊宅

君自言得石於厓下

中就中一峯更奇特遍體龍鱗古松色羣峯盡讓茲峯尊
高出牆頭七八尺輕雲冉冉生石林佳氣葱葱散花國江
南無此好林園三十六峯秋一碧今朝過我凌雲側問我

此峯何處獲道此峯中丈人行君最高峯方及腋氣勢崢
嶸况無敵算亥應從始開闢百年興替視尋常六代繁華
躬閱歷低徊不忍掉頭去與此前生似相識不是煙霞入
骨深幾人一見知憐惜當年輦致費百役破屋穿墉壞籬
柵故人遺惠百朋多知我平生於此癖秩山觀老來對此
察見貽翻生愁半畝荒園愁主易青山綠野幾滄桑恐學銅人辱
荆棘擬呼石友從君遊一棹空濛去無迹去作南園孟棠
園名衆峯長老夫不異親朝夕此物難攜米顛袖莫怯巍峩移
費力眼中豈少垂涎人不慮巧偷防勢逼作詩代券付石
交欲後有憑言不食

鐵牛歌付姪孫世侗

鐵牛鐵牛氣食牛骨堅似鐵軀幹修句瞿爲頸電兩眸三
四十月工呶嚶放腳直欲追驂騮一朝頭面跌出痛不啼
而笑飛回頭客來必揖禮數周阿爺何去云揚州客皆憐
汝誇豹彪鐵牛墮地喜飲酒以酒爲名亦不朽何必將來
印如斗累將重侯似其舅兒外家甯夏陳氏以先世勳舊襲于爵五世矣鐵牛豈
卽耽翹生父書祖硯當兢兢不然多力宜躬耕商餘歲歲
占豐登元遺山示姪孫伯安詩我有商餘田汝壯可耘耔可憐老子寒於冰一生
奔走無田塍天吳顛倒頭鬚髯老子何時見汝成鐵牛鐵
牛吾瑤瓊不愁愚魯愁聰明棗梨勿其羣兒爭作歌與汝
他年賡

園午

黃雀堆盤竹葉綠飽飯廊腰瘦藤卓老梅折卻半邊枯活
火剛煎新茗熟新晴有客來看山掃石橫琴遲客彈金粟
飄殘秋寂寞短籬黃出閭浮檀元遺山詩花中乃有閭浮檀謂秋葵也

懷王生少摩

郭索肥白墮濃老夫獨酌東籬東籬東滿地黃金錢籬西
高下雞冠紅望君不來秋復冬展聲猶在南高峯南高峯在西湖
花殘葉盡芳尊空不然已作龍門客尺素胡爲滯江驛落
葉敲門聽不得良夜迢迢夢難覓

竹畦以其尊甫遺墨乞題於友石太僕太僕未及題
而逝畫遂失朱石梅爲物色得之竹畦乃作歸畫

圖索題

千尺江潭萬疊峯
荆關能事賞音同
巧偷未必非知己
先澤誰能恕楚弓

壁返珠還感夙因
從今清閤倍宜珍
墨緣堂亦雲煙散

逝後珍藏書畫散落多矣

腸斷當年讀畫人

予自謂

題朱秋舫刺史所藏王元章墨梅

自有神仙共此憑
金壺倒出玉壺冰
多應煮石和梅嚼
五百年來熟不曾

君是逋仙老比鄰
與梅原有舊緣因
多君揮手千林雪
大抵前身卽此人

大雪三日竹木摧折無算
老梅十餘本殆盡作歌解

嘲

玉龍酣戰三昏朝，牆頭失卻鍾山高。繞屋簷簷一齊折，拂
雲老樹摧鴻毛。十萬青錢種寒玉，香國雙棲夢魂馥。頻年
江漲什一存，此厄疑遭斤斧禿。鄰翁大呼茅屋倒，罪我園
中竹枝擣平生。廣廈願徒奢，尙恐散廬難。自保穀伯良田
萬頃肥，連朝笑口迎風開。肉屏倚醉恣清賞，於彼爲瑞於
吾災。所喜幽棲塵吏遠，又愛窗明堪把卷。柴門雙掩雜賓
疏，苦茗一甌金鴨暖。是災是福渾兩忘，且圖白戰吟千場。
鷓鴣雖貰緼袍在，凍骨自免袁安僵。君不見鷄衣鵠面門
前哭，一樣瑤臺變溝壑。幾人炊餅待來年，天不雨金應雨
粟。嗚呼安得雨，金雨粟蘇寒貧北方地。圻波揚塵燕齊秦晉梁皆
旱，東南已被大造恩。區區竹木君何瞋。

過均之故居感賦

平陽公子富園池，倏忽霜凋玉樹枝。
落葉荒臺狐拜月，亂螢空閣鬼談詩。
看花有淚餘鄰叟，倚竹無言老侍兒。
我亦當年投轄客，重來已是雪盈髭。

丁未年七十

輓周伯恬明府卒於關中

傾葢長安陌，笙歌共好春。
五雲金殿冷，雙管鐵門新。

壬君

午南宮下第後與丁若士共寓鐵門蘭若恭值仁皇帝萬壽兩入皆爲人捉刀獻頌而酒市旗亭往往竟日不返

歸而求者嶺外逢佳日，尊前見故人。
西園賢主客，何處問盈門矣。

前塵予官羊城君亦適至時曾賓谷中丞方開藩其地與君過從甚歡一時主賓皆修文天上矣

湖海空萍跡，知音不易求。
救貧無上策，涉世有殷憂。
下第

成詩伯休官得醉侯嘗官廣文以薦去任艱難天獨憫姓字許千秋

且喜謳歌起高堂鏡絕塵官償遊岳願才老種花人遠道

難歸骨孤兒況病身連宵悲入夢地下亦勞薪

每停花逕屢獨憶講堂厄君嘗主講白門惜陰書院予過輒留飲講院鄰博山園別後予

以訪僧頻至滄海橫流日西窗翦燭時歸魂如復到山月自應

知後死誰千古堂堂有道碑

上巳集博山園

花風一瞬幾番經禊事名園聚德星觴咏縱難齊內史林

邱端不讓蘭亭岫雲半納三層閣帆影全收六尺屏正欲

拈毫圖雅集雨餘添出四山青

博山園懷陶文毅

傑閣花梢霧半扁
笛聲嗚咽不堪聽
更誰椎甕成嘉會
病草邪蒿滿地青

幾度憑高悵夕陽
征鴻不斷楚天長
十年小戊成何事
烽

火江戒兩髯霜

陳文惠與龐公同戊子生龐時官小陳戲之云君小戊子也逮龐大拜陳曰今大戊

子卻爲小戊子矣見東軒筆錄子與公同戊戌生

昏昏

百千行淚盡九十日春過
病骨復如此餘生能幾何
夢中猶玉樹地下豈銀河
相見知非久昏昏倒翠螺

鶴舟再至金陵喜贈卽題其五十五歲小像

別君十五載又向龍山逢
君顏尙如舊我已頭顱童
憶昔趨明光意氣浩如虹
一麾越五嶺萬里乘長風
世事蜃干

變壯懷雲一空升沈不足道絕藝誰稱雄硯池一滄海架
筆五指峯日南半壁天形勢全在胸興至卽揮洒雲煙千
萬重歸裝何長物南山縑不窮豈愛轆材富難爲俗子傭
桓廚塲寶笈四壁王司農廉州復雷州家法傳燈同淵源
到孫子君孫震生亦工山水風雅及僕僮我幼好紙筆至老無成功
對君難出手試爲開愚蒙吾年五十五自號琴隱翁作圖
抱琴默歸老倉山東流年悲逝水病骨愁秋風素願償知
難五岳遊未終羨君腰腳健雙屐無停蹤江山助清氣豈
惟書畫工後世觀此圖如仰岱與嵩千秋有定論一代作
者公海內幾同調此別何匆匆君行我益孤衰疾難相從
爲語黃子久謂黃穀原與君同居吳門離情江上楓何時同促膝共挹

山光濃

題羅翼雲刺史母諱日所書陰隲文

賢母自古多孝子至今少觥觥鄭太君賢名其傾倒昂昂
千里駒之無識襁褓教育何勤劬爲國儲賢寶策名方盛
年衆中特矯矯到處歌羣黎咸稱嶽母好豈知衆母母誨
勉始孩抱戰兢自朝夕食祿陋溫飽所志尙未伸致身非
不早作善必降祥斯言久心了古訓何昭昭下民殊藐藐
手書三萬編教民功不小昔賢當諱日寫經費申禱輪迴
事有無誰與窮幽渺今君獨書此至誠鑒蒼昊守此不違
仁聖域亦易造上可慰九泉下當子孫保嗟余幼孤露母
心苦食蓼一編機杼旁吟諷徹昏曉薄養曾幾時春暉悲

寸草君今遂顯揚
箴訓日探討屋漏知無慙
泊焉以終老
於以答昇平
君恩正汪浩

重過均之故居

讀畫論詩了歲華
當年同是癖煙霞
書聲慣擾鄰姬夢
山色平分野老家
秋去春來無恙燕
朝開暮落可憐花
平泉荊棘渾閑事
元度應知愛五車

賀懷堂移居

蓮花橋北十橋東
戶外溪流曲曲通
天與安排好邱壑
待君來作主人翁

四面青山網積臺
全家都入畫中來
大盆圓坐花前客
笑口先君四五開
君未移居時予屢偕同人會飲於此大盆圓坐見晉書開笑口不過四五日見莊子

難得堂高閣更高臥雲讀月度昏朝只防曳履星辰動不
怕秦淮會頂潮

采蓮蓮葉去來輕綠柳陰濃處處鶯十畝方塘無溽暑嗤
他七井鶴仙鳴

不羨珊瑚石季倫紫薇爭豔勝芳春尋詩行飯花前課百
折迴廊絕點塵

閉戶真同太古初看山眼倦只看書有山解看知無幾同
是雞鳴埭下居

十二闌干鎖碧雲眠苔古檣愛輪囷有誰把卷娛清影念
到從前種樹人

展印重尋徑草豐昔年壇坫號文雄張南周北人何處落

日樓臺一箇風本汪均之故居予與周保緒同居春水園時與均之過從二子皆下世矣

莫厭攜朋剝啄勤藕花風裏醉斜曛幾人林壑還同癖可

惜鄰翁不見君蔡友石太僕君對門居太僕已下世

築山館水願成空抱膝誰憐仲蔚蓬縱有草堂資十萬經

營不似少年工

張淵甫履廣文四圖

四野多荆棘掃除先一室讀破萬卷書致治自有術桃李

已滿門交游豈容絕御掃讀書

橫琴對秋月發興自太古獨鶴眠初醒涼風開牖戶之子

期不來松花落如雨停琴仁友

細草如重茵坐臥殊自適莫學上方平羣羊化為石頗聞

司農嗟裕國思卜式

春郊放牧

熟讀種樹經差免行人暘不見梁棟材拂雲自豪末莫謂
山中人寄情但花月

山居種樹

周樂仲索畫便面因題卽以奉懷尊人石生廉訪

不信天涯遠憑高丘幾回豈應書斷絕亦有雁飛來我自
漁樵侶君誠管樂才景卿爭快覩烟霧一齊開

九月十七日楸兒攜家人至自全州哀慰之餘作詩

示之

千里衡湘棹三秋望眼窮入門驚見汝未老竟成翁骨肉
雙棺在家園四壁空滄桑何足怪收淚話離悰

廿載一彈指兵戈幸未遭無兒憐婦病有女累孀勞

兒以同官

彭少牧女爲螟蛉失乳
善病外姑爲鞠育之

薄宦羞歸橐秋風欺敝袍尙招關

吏嚇三月狎江濤

而翁衰病久今已勉加餐一自華夷混何嘗雞犬安琴書

甘世外車馬尙江干縑素南山積窮愁下筆難

十笏剛栽竹歸耕祇硯田莫嫌傭值少

屯守霍君聘爲記室

且免客

愁牽學必心千古閒宜手一編寸陰能不負亦足慰重泉

琴隱園詩集卷三十一終

琴隱園詩集卷三十二

武進 湯貽汾 雨生

琴隱集

丁未

七十感舊

乾隆戊戌夏江南旱魃厲一雨忽滂沱賤子正墮地大父
喜抱孫開筵賓友沸名余曰雨孫喜雨名亭意賀詩紛四

壁聞啼頌麒麟至今七十年僂指成何事

乾隆四十三年六月七日申時

予生於毘陵青果巷時方久旱予生時大雨大

父忠義公方讀禮家居戚友作雨孫詞爲賀
大父宰八閩五齡隨母往尙憶檣李過梨棗樂盈盎鰲江

值佳節絃管華燈朗膝上習詩書花前肅親長淹遲借都

亭幽曠愜心賞長廊生鹿奔高樹孤猿上時來喚雨鳩當

餐首頻仰

忠義公宰連江吾母楊太夫人挈予之官時從外祖守嘉興順道省之抵連江不數月量移鳳

山家人寓書院予初聞鳩鳴至今猶喜聽之

寒窗白日促讀罷常聞雞獨喜暑晝永晶盤鮮荔肥清明

偶出塾萬鬼雄且奇一鬼尤可愕長身與簷齊庭前紙鳶

墮知是登高期榕城五六載幾日青瑣離

自連江移家福州寓西門街始

從大母族弟王朴人先生受業甚嚴毛詩尚書讀注疏不遺一字終歲放學二三日曾一觀城隍神出巡衆鬼猙獰如牟尼然又於九日一登九仙山觀紙鳶

百口資廉泉一官隔滄海吾父擔簦隨書至歲輒改弟生

父不見後我計五載同胞得三人有妹故鄉在嚴慈一身

兼吾母劬勞倍老病吾獨存兩人不相待少時輕別離回

首徒悲悔

弟峻欽乾隆癸卯四月廿日生於福州時吾父

騎都尉楊德齡卒於閩之桐山營遊擊官舍弟卒於廣西羅城主簿之任

鳳山一彈丸無端紛羽檄唇亡齒必寒三縣兩陷賊無城

況難守眾寡又不敵吾祖竭臣力吾父盡子職正命慘同

時皇天降奇厄

賊起彰化陷諸羅次及鳳山鳳山故無城忠義公練鄉勇會營守禦賊至敗之營將

逐賊南去而賊又北至入縣署忠義公手刃賊四厲聲斥

賊賊刃交下孝義公以身蔽翼之遂同遇害時丙午十二月十三日事見國史及管松厓洪稚存趙

味辛諸先生所撰表誌諸羅今更名嘉義我孤方九齡明年始聞耗重慈慟崩城行路悉悲悼吾母

慰姑懷詭言父將到夕奠朝撒靈時時哭昏倒有僕虎口

餘歸來泣相告大母聽畢陳破涕轉爲笑爾曹何我欺夫

忠子能孝已矣復何言乾坤此名教所憂歸骨難所慮諸

孤少聞耗後太夫人恐重傷大母王太夫人心不敢設孝
義公靈夕奠而朝撤且謂大母吾父不日即歸是時
太夫人忍悲慰姑心如刀割有人所不能堪者迨家僅洪
福歸具述於大母然後爲孝義公設位而大母一慟之後
謂父子克盡大節不負
所學遂制淚而達觀焉

移家麗文坊親朋漸星散已安旋馬負敢興羅雀嘆排闥
紛何來喧呶塞庭院酷吏巍我尊倨床指揮擅箱篋搜羅
空衣裳顛倒亂婦孺同哀號局置不投鼠廉吏無私囊長
物祇破硯臧獲亦何辜鞭箠任窮按莫知致禍由椎胸復
誰怨制府李侍堯謂鳳山有解項未清奏請查抄家產侯
官令黃某仰承意旨盡力搜查家人局錮一室拷訊
僕僮疑有寄
顛竟夕始去

竈下廝養逃門前夜叉守三日鳴饑腸萬死莫援手呼冤
撫部門鋌險孤兒母網開始求餐何人借升斗君恩褒

節烈詔返籍所有故物一青氈其他十遺九覆巢幸餘卵

歸期愆已久不遇脫膠人飄零到衰朽侯官令使吏役守門禁出入斷炊三

日太夫人命僕給門者謂欲出禱於神而徑至撫部所呼

冤撫部遣人好慰之歸而門者悉去會奉旨賜卹給還

所沒物而十無一二撫部乃令黃某厚賄之並諭同官

周歸資撫部徐兩松先生名嗣曾忠義公癸未同年

三遷地益偏過門唯賣餅跼蹐歲漸闌歸裝未能整弱羽

別枝單嬰兒脫襁褓就傅別親顏數月不歸省皎皎復盈

盈菱花回鬢影嫁女正歸甯龍涎馥金鼎比鄰忽驚呼風

烈祝融猛舉頭半天赤長跼各悲哽十室轟奔雷千瓶涸

探井顛倒縷金箱狂似驕驕騁我僮挾我出急路歸逾永

謂銜母命來夜半乍聞警入門母未眠待兒一燈炯自麗文坊

移居土街口朴人先生早已辭歸祖姑之夫周在楊先生

客授於同鄉須氏太夫人使予從游值鄰家同祿太夫人

聞之遣僕
夜半迎歸

破艇越險灘終朝不十里灘前短篙折灘尾兒墮水偶看

雙槳橫綠波愛游鯉兩岸千重山山花間紅紫川途有時

盡歸程殊未已兵車日麟麟且復息行李由建河舟行至浦城兩岸紅紫

續紛皆杜鵑山丹無灘處碧波如掌蕩槳徐行如在畫圖中抵浦後值征兵凱旋乏輿臺止逆旅

漁梁竟久羈榴紅梅子熟逆旅往來虛空庭罨濃綠白日

蛟龍生奔逃亂人畜平地成洪流一瞬高踰屋其南有危

樓其北一亭羈性命皆鴻毛登高仰天哭哭聲不相聞咫尺

隔三宿死生各不知無暇憐饑腹羈浦城既久五月發蛟平地水湧頃刻丈

餘逆旅有一樓一亭皆高而相隔不見家人分登其間斷炊三日

壞檻逐波流亭搖欲傾覆叶叔牽大母裾路絕亭前後樹

頂一筏過亭中其呼拯救人知是誰事急且相就不辨東
與西茫茫狂奔溜相持各屏息稍稍近巖岫山家方閉門
飯罷眠清晝客至聚親鄰炊黍摘籬豆不惜砧上衣爲易
泥沾袖三日水歸壑吾母下樓仆不見亭中人從何細尋
究得生又求死遑計諸孤幼籃輿忽至門骨肉重相覲驚
定各具陳生全尙天祐身外不足論何物還存舊大母挈
叔及兩
婢登亭水已壞檻遇竹筏得渡至山家極解推之誼太夫
人叔母挈予兄弟登樓彼此不相聞水殺下樓而失大母
與叔所在太夫人慟不欲生不知固在無恙衣物漂溺存
者皆腐賴邑令鈕公周之始得就道

拾級三百六行人不停吁古廟在其顛少憩日已晡夜行
各相失前者誰相須空林鬼火出不能燭迷途途是來時
經豈知歸日孤孤兒累慈母見面憂方舒自浦城之江山
越仙霞嶺子輿

獨後夜分
始抵旅舍

舅氏朝來迎其話兩家事篷窗坐移晷憐我弟兄稚別舅
候至門兩姑已先伺壁立無他存几榻待新置僅有故紙
堆猶存蠹餘字前年逢歲凶親戚罕噍類敝廬不爲薪實
賴先人庇牽船與露車世上紛相繼寸草出 君恩閉門

且收涕

舟抵里門舅氏樂臺公奉外祖母命出郭來迎悉
外祖陸庭公罷官以後事忠義公赴閩時舉故宅

界戚某居會乾隆五十年大饑某乃盡鬻宅中具至是賴
姑歸莊安人歸江儒人爲借具以應宅係籍沒後 賜還

痛哉三孤兒不及一老僕我祖我父喪非僕難歸速當時

烽火急所親皆竄伏一編等託孤仍投兵燹酷誰及僕心

忠臨難侍帷幄馬革悲天涯終賴還鄉曲義聲更誰如足

以風薄俗

義僕林坤求得吾祖吾父遺骸不辭跋涉艱難
送還鄉里吾叔姪皆泣拜之於是遠近聞之莫

不起敬方事急時忠義公以所著書付之戚某冀遠避得全乃竟棄之而遁

我歸戊申秋其年已十一便便瀟湖叟請業止三月隔竹

棋聲清圍爐筆尖活同榻每先眠夢中呼母咽明年讀西

鄰骨肉關懷切重樓春氣深孤館藤陰潔書聲動游魚吟

興觸啼鵲割席嗤童騃良緣嘆中絕仁里亦姑家負笈仍

離膝嫦娥慰寂寥多情枕邊出玉階紅雨深春風泣離別

十四歸下帷十五嗟投筆回首瑣窗寒九熊腸百結終成

失學兒悲懷那堪說戊申冬讀書天井巷汪氏業師錢鵬泉先生年七十餘居瀟湖之濱工書

善弈明年受業於姑之夫汪峴山先生去巷稍西予下榻樓下卽姑居室後讀書處池館清幽有危柯奇石翠篠紫

藤始學爲文至秋又受業於莊容臺先生主仁里巷壽南堂莊氏蓋容臺先生之族而予姑適莊達甫先生亦其宅

居予依姑餐寢至次年歲終而止辛亥壬子延師蔡質夫先生於家始應試癸丑年十六屆當引見遂輟讀先是

先生於家始應試癸丑年十六屆當引見遂輟讀先是

臺灣奏凱後有旨查死事諸臣居官聲名大吏以忠義
公平日居官廉謹覆奏於是諭賜祭葬并雲騎尉世襲
吾父已殉孝故以貽汾襲職先食半俸時年十二故事世
職年十八爲及歲送部引見前此族長誤報長二歲故
年十六已奉檄行取也十年間雖先後從六人游而
曠廢日多皆太夫人所課故太夫人有寒窗課子圖
十六習騎射居然猿臂儔尋春東郭門得得棗下騶學書
悔不早意造時含羞愛吟出天性老輩辱賡酬翩翩綠衣
郎鬪豔隨裙榴桂漿劇芬醖一醉忘千憂十七締絲蘿十
八朝帝州始瞻泰岱高又見黃河流癸丑武科朱公文
鼇與予講習騎射
戚董氏裔川馬借予乘之與族姪通名舉字課同會六七
人甲寅締姻董氏庶常諱潮女孫太學生諱襄女長予二
年早孤育於外家莊氏于姑之族媒卽姑夫達甫先生也
癸丑甲寅以北上乏資乞病假乙卯秋外祖陟庭公言於
鄉先生醖資以行

秋風客衣薄荒村胡餅麕鐸聲沙上亂雁影雲中孤四更

五更霜千山萬山月溶溶遊子淚點點空林血

是行也先至莒州山

程學確弱齡初客
祇覺情緒黯然

莒父有神君少學於吾祖不獨傳之經亦能承治譜驅車
千里來言笑悵緣阻尺素雖可通如何陳肺腑一叟大父
行謂我且安處琴劍何蕭條長安費資斧主賢常好施通
家況同土數日當來歸不歸必資汝僕馬既少休衣裳亦
麗補果然膏秣餘難得斯人古津門並分俸同念孤兒苦
托鉢劇酸辛酬恩愧難語

莒刺史許丈紹錦嘗受業於忠義公予至莒值其赴郡幕中日

雲莊先生忠義公故人謂且小住刺史聞之寄書家人資
予乃至天津時陸太守香森宰是邑其尊人溫處觀察耕
方先生忠義公壬午同年
又有連故亦有所資焉

在家犢鼻高出門狐腋劣矧我布衣貧無異西華葛道逢

五陵豪笑睨還瞋喝可憐慈母線千愁攢百結豈知朔氣
嚴肌栗看皴裂懇懇綈袍情羈留歷冰雪九月抵都至冬無裘家開先孝

廉贈予
二襲

阿咸喜結納車馬時填門雖乏儋石儲美酒常盈樽爲我
虛上牀殊愧癡叔尊吾祖有舊雨招予復殷勤飲食教誨
之愛憐視諸孫游必載與俱不惜污車茵悲懼幻俄頃聚

散空烟雲殘年寄孤館歌泣無人聞

予至都寓驛馬市生店族子令名下第

在都方僦寓堂子胡同大宅邀予同居乃就之既而忠義公故交前番周令許繼士先生即莒州刺史叔招予遷其粉坊琉璃街居第相待彌厚後以細故被枉鐫秩出都予乃遷魏染胡同富順店至明年嘉慶初元二月乃行

二聖壽萬年萬國來重趺五雲遶鳳樓千官識

龍袞欲

酬高厚恩敢忘忠孝本旣瞻

皇居壯慙愧客囊盡先友

三兩人情深清俸捐長途遽糧絕人困轅駒蹇一一烏攬
餘征袍帶塵典果腹能幾朝奇緣忽天遣異哉彼何人輪
織期相伴腰纏且其之勸我愁眉展邂逅無斯人吹簫豈
能免嘉慶元年正月 乾清宮引 見碰頭謝 恩董文
官舍人洪稚存丈方督學黔中歸董惠疇丈方官戶部主
事則予外舅從叔皆忠義公執友俱分俸見貽歸至德州
資幣典裘不數日復罄還近杭人陳澤同
行旅費皆藉之還里乃償至今不忘也

一入戎馬場難尋釣遊地流連雲溪上又過看花寺一瞬

征帆遙終身鄉井弃其時母未衰挈我妹與弟到及槐花

黃秋亭博蝸寄書聲出戶高蟲語當階細十指早夜勤易

炊恆不易心疲米與鹽安得親顏霽元年三月抵家七月

西華門周氏堂後有亭予所憇亭前有老槐一株表叔史
敬之先生課弟讀書於堂西始食雲騎尉全俸月支銀七

兩入分三釐太夫人與妹日製髻花椒囊使老僕
驚之以佐薪米時兩僕兩嫗一執爨者九人而已

捧檄始鍾離其年已十九大父有同譜方茲官太守阿母
 有連枝從夫博五斗誨勉情同真解推意俱厚逾年亦既
 冠艱難娶新婦婦至壻遠行調停累慈母初握徑寸符兢
 兢碑在口官貧實美德此志矢白首慚媿壺歌人承平漫
 詩酒元年九月予權鳳陽守備太守胡公鵬雲忠義公王
 年同年懷遠令張公瓚太夫人從妹壻予於役懷遠
 并謁姨母感視予厚明年二月予當畢姻適於役皖城至
 期不返婦車至門太夫人命如常禮三月十七日予歸卽
 命合卺而是日適吉五月
 受代無歸資典貲以行

言尋廬陵裔忽入仲舒園詩歌出金石風月爲主賓形忘
遂迹密對酒時披肝秋懷此頻遺吟嘯連昏晨妍媸鑑不
昧我鑑惟資君何郎亦君鑑藉君致殷勤不恨見面遲但

憂規過寬吾今過山積深媿負兩人

二年五月還白門因訪又一村主人歐陽

氏得交其鄰董小狂茂才小狂所居曰窺園竹木陰翳豪於詩酒與何蕉衫茂才爲莫逆交時蕉衫他游予以詩訂交後二年乃得相見予平生知己無逾二人

江流無日止客帆無日已忽落千帆中低昂白浪裏船頭

見天柱秋心入楚尾側聞當陽城萬竈生荆杞轉戰猶未

休軍行似流水年荒繼大疫十人八九死自古沙場人生

還原偶耳欲安死士心先爲啗妻子試牒蓬隨風嗟我貧

如洗

二年九月權潛山守備江行至懷甯知潛山兵大半從征三楚失利

舒王已無臺二橋猶有宅瘦馬時東西懷古何人識馬後

山花紅攜春歸硯北生女顏色如聊慰親頭白剪燭妨清

眠天吳費刀尺嬌女與新詩此游嗤所得未免媿素餐本

來事非劇豈乏康濟賢僑功與奇策孰拯水火危舖糜延

菜邑我亦元蟬饑獨弔蠅蠅溺

三年二月生女於潛山六月代還白門

漁翁似鷗鳥風雨常江邊見我去復回怪我無日閒汝陰

在何許巢湖浪如山前騶雜旌蓋漸見人民喧凜凜鄉先

生心儀千載前一硯不妄取豈博廉名傳美鮒勝洞庭至

者多垂涎戰兢慎風夜甘旨有時愆

三年九月權廬州都司仍出長江侍太夫

人之任包孝肅祠居水中產金背鯨魚人呼爲包公鯢

有妹耽詩書佳耦不易擇楊郎同羽林生長殊南北良緣

自天定屏雀獨工射一騎奔絕塵錦堂飛羽檄台登猶未

終驪駒已相迫骨肉成三分赤繩羈不得

廬州都尉爲漢軍騎都尉楊德

齡始受余代繼復代余同官執柯壻予女弟婚期八月而余六月受代當還白門於是太夫人攜家人留廬而予獨

行都尉台晉之際奉檄出師次日卽發

荒衙處陋巷趨府成遐征豈無休沐暇忍饑疲送迎何郎
喜接膝童生久忘形每資遺抑塞談笑肝膈傾江頭楓葉
落望見蒲帆停家人千里至老母欣康甯弱弟胡不歸姊
家獨橫經嬌女已學步語言猶未能團欒得幾日飄然事
遠行此事恍如夢歲久記不清重來似遼鶴低徊感不勝
冗官久已廢大廈爲荒塍荒塍逢白叟有叩兩目瞠吾衰
何足怪袞袞滄桑更四年六月還金陵權城守右營都司公解在陸家巷距節署頗遠董小狂
何蕉衫過從最密九月太夫人攜家人至自廬第留妹處
從王明經蘭化遊予以學習期滿於十一月入都引見
右營都司不知何年裁汰予於道光壬辰歸
老金陵過其處昔年堂構鞠爲茂草久矣
浩浩黃天蕩江水駭立壁不是鯨騰天卽緣鯤徙宅我舟

若磨旋帆飽落不得舵折底復穿天昏雲似墨長年共號
咷性命在頃刻忠信何足憑戰兢更無益忽然得彼岸老
漁援手力歸來上已過歌管秦淮碧聞者皆愕然戒作遠
行客江湖且勿論平地猶沉溺五年三月朔黃天蕩遇暴風投岸不及舟壞將溺舵上已日抵里此行與丙子別時曾期以上已相見今歸期祇遲一日非以此故易舟則適如約也

江山第一奇翰墨無雙妙我遊兼得之此福出意料絃管
雜春風談諧快同調同官半無事得句卽奔告佳辰共尋
芳往跡獨吟弔杜鵑惜遇仙玉帶幸離盜猶憶湯餅筵一
時互相召賀客迎門喧慈親開口笑此贈芳蓀襦彼貽紅
槿帽我亦期充閭人方譽跨竈祚薄復何言蘭摧實堪悼

五年四月權京江守備獲交王夢樓太守馮艾圃進士同
官則清馨亭太守許春池顧思亭兩廣文盛望亭照磨文
酒流連極一時之盛夢樓書法獨步家樂尤足移人獨皆
嚮子所欲靖逆侯張公時官參將予隸麾下暇卽追隨偏
尋古跡次年公舉一子予生綴名後皆襲世職而綴名
生四十五年而逝公之子官散秩大臣久不通消息矣

吾母念衰翁吾婦戀慈母莫遂反哺私俸錢吾不厚偶茲

偁鄉里一輩乃相迎思翁母已病翁至母病興弟妹千里

遙母心豈忍割翁東母卽西不辭波浪闊鄉渺何許來

往惟雙魚可憐母女情見面翻悲吁亦有孔融賓來下陳

蕃榻徒存廣厦心常媿歌魚缺願與官職殊人同古今判

開寶事誰知白頭共長歎五年外祖陟庭先生外姑莊孺人皆迎養京江官舍徐惕庵太

守楊若葵何蕉衫暨族兄貽典皆先後主予是秋太夫人至廬州挈弟還次年春代還白下今知舊事者惟老妻一

已人而

千頃門前荷官衙似村舍逍遙一卷書享此承平暇有時
德星聚尊酒花陰下高歌出金石頗與老兵訝昔日少年
交子孫且物化往往過其居庭荒屋瓦卸自從大潦餘田
園不論價羅綺遍江湖三載兵戈罷斜陽絮亂飛社燕無
王謝嘉慶六年夏權江甯城守右營守備解鄰北捕通判
門前荷沼其大江甯於道光十一年二十一年皆大
水二十二二年嘆夷犯江甯居人數
數遷避十室九困多拆屋售人

磨驢勞往復雪鴻感新舊同官半故人握手驚顏瘦骨肉
欣重遂深談竭宵漏鄉音忽滿耳花底杯頻覆羣賢並詩
虎潑膽寸管鬪教弩餘空臺攜朋遣長晝時平戰士閒駒
駝肥臥廐歸裝一卷詩更喜添丁又辛酉秋廬州楊都尉
權壽春遊擊制府費
公檄予代之都尉固予妹夫骨肉藉一催聚同官張菊園
太守汪東庭黃小迂楊挹峯三廣文泊予五人戲爲同韻

之會會必有詩左杏莊中丞方宰合肥幕中多里人而孫淵如觀察以修志之役爲菊園聘至皆豪於飲及時有同鄉之會文誥流連幾無虛日明年五月次子楙名生至冬代還白門

衰年得末疾大母勢不起時時念歸人口吃代以指方冬濬長川舟楫止江涘巾車值萬錢紛爭亂如螳母心急如箭才予淤泥裏庶幾湯藥親見面博心喜予時捧檄新欲去廣陵鄙弱弟侍母歸苦辛痛無比大母王太夫人於王時以大指示家人益欲使予母子知也予時奉母自廬代還白門已補官三江吾母問信卽挈弟峻欽歸會濬運河舟不能達母急於歸省不待車輿徒步越徒陽壩抵里半月大母乃逝予夫婦歸則不及視殮矣

全家苦山中涕泣度新歲官符迫登程墨纒趨治事扁舟衝雪行失卻九龍翠銅章一綰肘鄉園暫如寄淑氣滿江臯版輿擁旌轡一官雜鷗鷺獨似朝廷棄敢貽素餐譏

而昧運甓義

予居大母喪而奉檄以墨纒從事前官以事攜印在蘇癸亥二月詣蘇代之卽歸而奉太

夫人之三江任年二十六

空江幻赤城桃花三十里高樓鎮相對春光媚如此乘興

來扁舟其中有佳士河豚不論價佳釀盈村市尋詩借行

販日狎魚蠻子碧檻倚花梢笛聲吹月起漁火一星星潮

頭平楚尾官閒稱地偏華年惜彈指

三江官舍有樓七楹江環三面隔岸桃花

數十里季蓮溪微君張老薑布衣洪稚存太史先後過訪留詩見貽予嘗築高亭於梨杏梢頭初登見月卽以江月名亭閏五年

罷官而去

一江鷺鷥冷五夜魚龍吟持竿蓼花渚艤櫂楓樹林有時

繫鷗夢去聽廣陵琴移官一兩載凜凜坐右箴箴言亦徒

爾平地風波深

居江上五年往來揚州者屢獲交吳穀人錫麒祭酒洪桐生梧伊墨卿秉綬兩太守

儲王琴潤書明經鼓甘亭兆菰上舍王楊甫芭孫國博樂
蓮裳鈞蔣秋竹知節聞春毗塏三孝廉張桂巖賜甯贊府
陳舅生司馬金手山學蓮許春卿之翰二茂才楊小梧參
軍周崑生布衣序初上人權泰興都司者再嘗承修緝私
巡船代還江上載餘而後忽以船破被効

荒庵亂鐘磬大樹多鵲雅鼓角無昏晨夾屋東西衙夢魂

日相擾默默傷懷抱咄爾刀筆吏是非任顛倒制府鐵公

檄予對簿節署西為曇華庵有皂筴樹濃蔭滿庭予僦居

其中四五月河帥公解亦在其旁鼓角之聲不絕於耳庫

道譚祖綬者恃其及門權貴驕恣貪淫為眾所惡恐蹈不

測又執熱於鐵公公使鞠予倨傲無禮予怒而忤之彼乃

言於鐵公遽登白簡及予對簿吳門彼疽發於背而死數

日復遭同祿移指於衛眾唾罵之無子嗣子僑居金陵壯

而卒復無嗣平生所畜書畫珍玩盡屬他人予亦購得其

古桼數枚予不嫌辭費而附誌於此者非以嫌怨而然欲

使子孫知所儆懼耳

祿微養不給失祿八口饑饉寒何足道貧賤亦非悲所憂

遂蒙玷長貽後世譏羅鉗吉網虐後世誰知之吳宮歌舞
地客子坎壈時半肩羞襪被三匝謀安枝清夜捫絲桐知
音會有期覆盆一朝雪雨露原無私抵吳四月逆旅三遷
邂逅琴師趙振北始
專琴學廉使百菊溪先生一
鞠而得平反卽申請開復

遊子歲暮歸我行正除夕偃僂下澤車泥深行不得信宿

呂蒙城村酤琥珀赤農家禮數生纓冠羞揖客婦子同熙

熙怪我誰所迫饑驅豈得已通塞固難測

丁卯除夕自里
北征爲托鉢計

時方濬河乘獨輪車至
呂城宿初三日乃行

太守我鄉里戢戢泰山尊千里來相依跼跼怯入門太守

正行縣乃在漕河瀕薄笨日卅里徒御亦苦辛未免拙言

辭累君清俸分掉頭復何所艱難恥向人

戊辰春之泰安
郡守徐柳塘曰

簪方駐恩縣四女寺催漕予往就之分作少許遂往投淵如觀察於德州

狡驢蟹橫行病僕鰯縮頸笑此行旅圖西風吹斷梗投詩

意良苦三復謗歌郢途窮易受恩推解情彌永平津門下

客一一驂騑騁當日書城藏何殊囊處穎一醉成相知騷

壇旗鼓整至今賢主賓魂夢雄談逞予投詩淵如觀察極承過譽賴資膏秣乃

赴滄州時客平津館者洪筠軒頗煩嚴鐵橋可均楊惕庵思敬文酒流連幾忘風塵奔走之苦

絃歌徹內外訟簡食客多念我通家子憫我際坎軻相依

易寒暑視我骨肉過笑謝廉泉微無益江與河此情未圖

報窮老棲巖阿滄州刺史徐楊小松炯先大父癸未同譜徐雨松嗣曾中丞也中丞本海甯楊氏

嗣徐居金壇刺史不忘其祖遂覆姓徐楊予留居最久宦況至清分俸獨厚後堂外舍莫不善歌絃管參差無間日夕

吾母妹四人其季從遠宦距滄不半程驅車一再見見我

從母顏無殊見親面殷勤問安燠瑣細話鄉閭憐我祿養

虛憂我長貧賤留我過殘年免我孤羈歎土牛迫春回火

樹驚物換兩妹並及笄問字依吟案難得天涯人遂此如

歸願從母適席官青縣杜林巡檢
余自滄往省者再留度歲焉

平生游嶽願豈待畢婚嫁識字知泰山三周末停駕一朝

腰笻登天門百神逐胸中碧痞消攬勝詩不暇醉眠局腳

床驚遽起視夜赤丸方躍躍萬丈金光射太息艱難身泉

石誰能假良遊偶得之回頭自疑訝予於乾隆乙卯嘉慶
庚申戊辰凡三過秦

山未獲一登已巳四月自滄言歸復過之乃得

遊宿南天門大醉五更至日觀觀日出而去客遊固多艱家食更不易一月歸杜門負米百無計廣陵

三日程襪被風帆利平生羞仰面瑟縮懷中刺人情詎可

測折節非敦誼孤羈誰復憐高吟人鬼思賴有酒腸寬一

醉窮通置

歸里後謁饒使額公於揚州謂予獲私販最多必有以酬久之寂然

醉我盡豪士湖山日同游萬言廣坐揮不若一默優萍飄

有畸人執手古城頭醉歌漏將盡拔劍舞不休美人與名

將舉世實寡儔故紙愈縞紵贈我無所求一女雙髻了慧

麗墀必俟再拜毋相忘一別悲山邱

客揚時諸詞人邀予聯觴咏之會於蜀岡

諸園林會者四五十人胡眉峯量儻居城根獨招予飲命小女出拜贈予廣名將譜

國初名妓潘湘雲小影諸客

未育以報至今耿耿焉

求官志溫飽安見因蒼生坐此卽當黜黜一千百懲苟非

蒼生仰溫飽并不得卑之無足論似亦朝廷輕黜之以

其情情因無事成朝夕運百盤其情何由生聖人貴知過
過積悔不明既黜乃復起恩重如何勝墮地志四方合作
萬里鵬一朝羽翮豐矯首青冥冥東西奚足計宇宙堪縱
橫是秋奉旨問復仍回原任將發復奉部另選制府以
仍留本省咨覆而部議不允令請咨北行於是例當迴
避本省矣

直如脉中蓬矯若雞羣鶴六合誰能容聚鐵鑄一錯豈有
鸞鳳清而受豺狼虐餘殃猶未已其人成冥漠一笑安足
論吾猶未溝壑手足相提攜聊用慰離索羸馬同泥塗垂
鞭不敢著殘年風雪粗逆旅可羅雀韓康市隱流驕我壺
中樂說劍或談詩遣此胸中惡黃河何洶洶欲渡憐空橐
前案中有監生沈有德者以誣控斥革復誣控於都察院
朝命河督那公再鞠之予時已領咨將行以是滯留袁

浦仍譚祖綬之遺告也時弟岐欽伴子自寶應借馬冒雨
行河堤甚危抵浦假寓同鄉醫者徐北城家風雪中時相
過從者王仲瞿曇孝廉壽畢沈有德
以健訟坐徙予始北行吾弟返里

一裘三十載三昆西華塵寒鵲無枝栖翻羨籠禽馴長安
索米艱鬻畫資昏晨世無洛陽令僵臥誰相聞亦有長者
車排闥來論文刺字大於掌自非尋常人坐上不嫌滿囊
中豈辭貧有酒必盡歡燭跋恆宵分萍逢感青眼開徑羅
嘉賓奉爵共稱壽筵前菊部陳回頭蕭寺孤清淚還紛紛
都門武陽會館選人可居適無空舍乃寓虎坊橋卽陞店
小松刺史於役至郡過予知鬻畫爲活還滄卽寄助五十
金其後索時徵畫者踵至坐客恆滿過從最數者法時帆
祭酒陳鍾溪侍郎陳石士劉英初兩編修下若士明經周
伯恬樂蓮裳楊庵三孝廉陳愛笙夏伯恬二茂才管叔
軒上舍李芸甫工部吳伯新庶常程芝垣大理吳碧厓鑒
箴呂仲英趙李由二戶部吳蘭雪舍人屠琴鵬大令族子
藝卿張愛州守以予初度演劇爲壽知愛之感不忘也

人海面友多擇交大不易青蓮興最豪飲非斗石計偶選

看花人先籌投轄地一幅西園圖翰墨絃歌備文陣誰最

雄登壇豈兒戲留髡更洗盞長夜頻談藝屈指俱玉樓姓

名難悉記庚午秋李芸甫水部長春寺賜菊之會三十餘人所可憶者秦小峴陳鐘溪兩侍郎陳碩士顧

南雅張船山三太史陳玉方吳雲海兩員外馬秋藥太常

盛甫山典籍吳蘭雪舍人屠琴陽大令錢梅溪參軍朱野

雲滌齋楊琴山陳綠晴孟麗堂五山人陳受笙茂才是日

惟法時帆祭酒與予留宿芸甫齋作長夜之飲小峴侍郎

作記餘子除官笑輪迴我身託何處嶺南遷客鄉瘴癘衆所怖聖

代無畏途壯遊博佳句齋沐瞻天顏憂惶望歸路苦無

縮地方難學隨風絮車輪豈生角欲行乃復住一醉梅花

開美人林下遇債帥可憐生酒醒搖鞭去兵部選法守備十班輪選第一

口還班選開復人員予到部已逾選期至八月輪及選補
廣東撫標右營引見後值撫軍貢差至都貨金得行頒
發吳蘭雪姬人岳綠春欲予畫梅予攜酒就之爲留一日
與華吉厓司馬屠琴鴈大令同醉蘭雪聽香館中以嘉慶
十四年十
月望日行

吾弟見除日計程盼歸舟吾親倚閭久一喜生百憂之官
客路長攜家食指浮親朋皆屢空箱篋早畢搜關河不可
越鄉關復難留兒歸慰慈母天定非人謀縱乏點金術終
當到南州且先具酒脯兄弟辭松楸十一月抵家措資兩月

風雪逼殘臘我行尙無期病妻省舅氏舅怪行何遲周急
由自足舅亦常寒饑有田昨方鬻今幸餘朱提貸我敢嫌
少藉爲買舟資留別忽無物禦寒謝有衣良辰不服擇登
舟祀竈時喜博贈行句幸免他歲儀舟小難容多黯然骨

肉離淮王上天遠雞犬且不遺難免母心傷兒罪安能辭
丙子舅氏莊梓丹先生適蜀出賃二百金十二月廿三日
始得成行母命弟婦母子隔於家趙歐北丈是年八十有
三有詩贈行味辛丈亦撰句書臨爲別

一登冠蓋場此身卽傀儡瘦馬鳴饑腸趨衙鬪蜂螳毒鯨
誰可屠壯心獨不已樓船盛旌幢膠岸愁鯢徙麀鼠乃博
官捷徑唯滄海天心自好生衆志徒畏死袖手成旁觀愚
忠人所否辛未春抵任羊城時海氛方熾連傷鎮將大員
而招撫盜首張保先爲奏賞藍翎千總再奏擢
守備請
換花翎

鷺湖與鶴觀坡老遺蹤迷六如竟千載低徊日已西羅浮
久入夢過眼不及躋齊昌在何許川盡山間之連山竹干
畝翠擁韓公祠信宿至官舍閒俗愁瘡痍是年秋權興甯
都司遊惠州白

鶴峯弔朝雲墓抵龍川山行謁

藍關韓文公祠過長樂抵任

同官四五人一一我良友廉吏自可爲賢宰不易有同心

而協力擿伏還鋤莠旣挽士氣頽亦教民俗厚士行善惜

陰犀首樂飲酒時平無事均消遣孰可否素餐不我譏深

慙碑在口

輿甯民嗜賭俗敝民貧悉由於此兵役賄庇莫能禁止仲拓庵振履明府告予如是乃合力懲

之其風頓絕士民製文爲頌制府百齡松筠蔣攸銘三公皆以此多予俾連四任并邀薦舉引見

我客有徐孺鎖骨聆珊然放衙厭清坐相對手一編梅州

多佳士佼佼李楊顏談藝輒忘寐各有筆如椽酒旣不嫌

薄烹亦不求鮮知我喜吟友諒我少俸錢太邱有經史長

統無園田時還曳珠履偕至坐馬嚙銷夏酌蕭寺尋秋咏

高山官閒母安健此樂人垂涎

客我者嘉應徐又白有鎖子骨之異繼至者嘉應李

秋田楊秋衡顏湘帆並工詩文興甯陳疇主講墨池書院
秦州仲雲澗栢庵之兄工填詞著有傳奇十六種皆常相
過從嘗借孟蘭寺
觀荷神光山登高

韓江艤六篷一聽軍門角鱷徙水犀閒馬肥年穀熟觀察
我親知政簡無留牘花飄舞袖風月避歌臺燭且盡今日
懽共道此間樂湘橋仙躅迷粉黛爭芳馥讀殘鸚鵡碑醉
倒鴛鴦褥潮州謁鎮軍張公遜同惠潮觀察崔雲客景儀
夜宴觀劇雲客爲錢文敏公外孫浣青夫人子
我感韓中丞歎我祿微薄憐我弱弟才使佐宰官幕俾藉
傭書資薄養助黎藿豈期水土殊衰親疾頻作蒼天剝肝
腸僻地無醫藥千里一裘來臥久不曾著吾弟安得知舍
悲雙鯉託中丞韓桂齡先生薦吾弟峻欽於永安幕寄
母一狐裘時母已患病作書招至而病殆矣
母病屢思歸囊空歸不得屈指六十年幾年在鄉國方期

翟弗榮豈料崦嵫迫兒誠大不孝母志終違逆今生見母

難悲悔兩無益血淚便成河黃泉不通舶

太夫人少從外祖宰滇南孝義

公贅於昆明偕歸之閩還里八年挈余試牒江甯泊余落職里居三載卽之廣州來興甯辛未在興甯思歸不得一冬抱恙醫藥無效壬申正月廿八日棄餐時年六十一

墨經悲從戎孤兒腸寸裂弟兄日囚對無計歸親骨韓公

我知己使弟千里謁感公心已知傾囊勝驂脫更感齒芬

多同官共矜恤匍匐躋筠門執紼憂顛蹙帆開弟亦遙江

漣翻淚血豈獨渺音容靈輜無見日

武職三品以下例不丁憂歸殯無資賴中

丞韓公厚賻且屬方伯以下同官助之得扶輓由筠門嶺至會昌登舟弟送歸里中入城治喪卽安窆窆而不孝乞

假不許仍反興甯

瓜期倏再屆琴書循故步盡漿增我慙挽我安能住長亭

復短亭下馬辭遮路一瞬尉化城衙趨同雁鷺未掃舊軒
 楹先參新節度怪問胡為來彼民方汝慕既來且暫休還
 當遣汝去數日飛檄來重踏鴻泥故荒解固依然入門淚
 如注舊燕猶在梁親顏覩無處代者初至未及行而制府
 已攜家人還羊城制府蔣公復檄還
 代者三至復如之四代而後返本任

堂皇勝四綬寸符凡四握四境皆父安幸賴朝廷福寵
 官無微權豪氣變土木但有無事功其餘何足錄元戎優
 禮加捫心逾愧慙沉疴忽經歲舉室愁眉蹙有劍不驅魔
 有筆惟賦鵬高冠非兩梁強弓絀四斛不有神醫神安能
 命重續聾丞病參軍天許鮎緣竹朝廷重將才必資鄧
 禹告名玷薦賢中杜百僚驚刮目
 予四權與甯額其堂曰
 綬矣四代還後大病

瀕危丙子禱於華陀廟一藥而愈故事軍政外有舉劾効
無定額舉則通省自副將至千總不出二人甯遺無濫是
年予獨叨薦今之冠制惟朝冠最高而纓兩梁

懷柔感 帝澤重譯來梯航使臣三少壯一老猶昂藏物

薄禮則誠金葉作表章大吏告入境宴之政事堂 帝許

悉馳傳從容謁明光百鷲睨一鶚海鳥隨回翔殷勤慰勞

之珍重關河長抵掌談瀛洲舉頭望天閭道途屬耳目觀

者如堵牆甲戌夏予既叨薦舉制府蔣公即奏委伴送遲

名山似佳士覲面忍失之胸中有匡廬幼誦青蓮詩香爐

一草堂乃屬庾樓主可惜青衫人空期白石煮一臥天池

山頓覺須眉古玉峽緣猶慳飛仙夢先覩寡吟詠因病慮

誤遊山功前身是何物得作廬山松道出九江德化令以

夫馬不繼請留兩日

奉隱園詩集卷三十二

九

予得游匡廬信宿報國碧雲二寺香爐峯有茶山草堂
九江守方茶山體所築茶山命報國寺僧無垢導游

溯從識之無卽解尊周孔不窺夫子牆苦學下帷董豈期

風塵客得趨詩禮庭庭柯羨何幸千載親儀型嘉門載低

徊再至不易得夢魂俎豆間身心藉交惕自兗州至鄒縣
遶途曲阜一謁

先師
林廟

鑿路方清塵萬騎疾於電結束隄道旁 龍顏喜先見離

宮正旋踴方物已畢獻時當萬春節仙仗開宮扇小臣率

遠人玉陛鴈行殿朝儀幸無愆 御香不容戀 錫賚何

駢蕃拜舞同懽怵小臣百無能亦忝宮袍粲深慙焚筆知

敢忝李雄薦天門談蕩蕩再上南薰殿所愧受 恩多未

試天山簡貢使至都住四譯館先是貢物 仁廟駐蹕園
明園每出入大內禮部主客司傳知伴送官

署筆羅道洪錫豫署永康府同知姚祖恩及貽汾等率貢
使道旁接駕十月六日萬壽聖節率貢使到闕祝嘏
數日後領賞自國王王妃至貢使通事頒賞有差賜貽
汾等三人緞袍各一襲越數日貽汾以薦舉由兵部引
見洪姚二君以捐復處分尚未引

見奉

旨貽汾先伴貢使還粵

雙輪徧九衢歸鞭月東出故交臺省多蓋簪能幾日日
醉如泥奇聞談未畢海國雖多奇不堪燕許筆弱第慶萍
蓬聯床慰饑渴鄉夢消清鐘新詩質古佛別來事萬端終
夜語不絕開門百刺來離緒黯難說喜看桂林山兩人可
緩別時弟峻欽以州吏目發廣西予至都卽同
居保安寺街關廟偕行至江西始分道而別
憶昔金斗城風流屬簪組宦情誰最淡惟有獅林主何故
悉去茲今來稀舊雨伯起閱人多滄桑悲絮語長侯我親
串爲我具雞黍筆集我舊題秉燭視堂廡紛紛其羅拜桓

桓舊部伍再至復何年雞聲催我去

道出廬州獲男長和爲廬都尉招同楊挹

峯廣文飲絳雪軒予十年前同官僅存挹峯一人獅林主謂黃小迂廣文家吳門獅子林

章江方機棹一舟來作鄰聞聲我舅氏執手開清樽須臾

一騎至絡繹羅嘉珍中丞自愛才賤于欽扶輪跳梁未卽

滅已若脫網鱗遂期縉雞手能作然犀人水母幸得目海

波不愁渾舅氏爲我賀早晚看酬勲

舟泊滕王閣下逢前安陸守楊朗巖舅氏

自乍城謁選赴都過此聯舟召飲中丞阮芸臺先生惠所著書各種時餘干叛犯朱毛俚逃匿未誅中丞因子前在江南頗以緝捕密屬協眼線人楊鶴齡至粵訪緝

推篷對寒月掩卷啜清茗寂坐防愁侵早眠嫌夜永素琴

同欸語清波照孤影來朝楊柳岸有客移舟並從容揖我

前衣冠殊秀整自言乍聞琴琴趣喜默領爲我一再鼓牙

期遇何幸不厭江湖長但覺塵囂靜自攜游侶游常伴魚

龍醒昨共黃山僧鳴琴古閣迥夜半無人知難忘此幽景

且喜知音人都過梅花嶺

舟過南康有鄰舟人謁予自言聞琴而來叩其姓名桐城姚季

諸廣之伯昂侍郎季弟以府經歷試牒嶺南者請彈一二

曲指熟音清因借之行舟中琴聲日夕不輟入都時泊滕

王閣下遇黃山僧淡庵嘗中夜攜琴登閣各弄數曲時

淡庵自江南之廣州余所攜琴有銘曰錯道人游侶

嶺頭梅爛漫過嶺剛逢春一謁丞相祠忙中看忙人南州

瘴癘地自古悲逐臣亦有千金裝甘苦難並論我今復來

過所志惟安貧榮枯草頭露去住嶺上雲

乙亥立春日率賁使過梅嶺憩

張曲江祠有軒臨道旁俯視往來行旅

軒額曰看人忙又有碑曰雁回人遠

五更瞻羅浮扁舟迫行役竊恐忽去茲今生絕遊跡此來

真絕奇游山奉飛檄衣冠非故常姓名亦變易一拂與一

琴翩翩成羽客四百卅二峯峯峯歷雙屐爛醉梅花村高

吟葛仙宅神仙不可逢魑魅將安匿半月居黃冠一心煮

白石不因妻肉緣那負煙霞癖

予旋羊城以阮中丞屬緝朱毛俚白之制府蔣公中

丞董公卽奉聯街檄予改裝易姓帶同眼線隨處訪緝

卽先赴羅浮蓋亡命者多匿此山爲人種藍予乃更姓名

曰易貝水號掃雲子黃冠破衲往來其間者半月藉得窮兩山之勝故予有羅浮半月黃冠客印

瘞鶴斗臺上築亭老梅底明月到枕邊抱琴中夜起朝來

食指動山猿獻鯪鯉珍重古仙書至今錦囊裏道人惜我

別贈我逍遙巾謂宜邱壑間適意過惠文又有古藤杖百

年許隨身緩步勝車馬行行看出塵

山中人弋一鶴予買而飼之數日創發而

斃瘞於酥醪洞之斗臺江瀛濤道士爲築亭覆之予願之

曰鶴笑猶人獻穿山甲大如龍味極肥美山中竹葉符

相傳仙人劉高尚隱了髻峯書符於竹葉上辟蛇虎次日

一林之葉皆成此符劉不知何代人自唐劉夢得已有咏

竹葉符詩其竹至國初而枯游者覓不可得唯山中盧氏有二葉云自遠祖所藏不輕示人竟貽其一於予瀛海亦以逍遙巾萬年藤杖爲別時予以內子病劇歸爲

麤頑類烏犍狡黠若白兔鳴鐘腹卽果舉步物知數少見每多怪蠻夷亦黎庶重利生死輕家國不復顧天海迷東西樓臺雜新故亦有好園亭珍禽與嘉樹琴聲非絲桐如怨亦如慕不惜十指纖奚愁五音悞姬陶餐可加鈎輶語難悟我豈海外游茫茫此何處澳門爲西洋諸夷貿易來居樓下別有樓設自鳴鐘諸夷咸應鐘而飯會計不手算二人對步卽得其數有良園寬可十餘畝卉木多不知其名半張果恩蓄異鳥千百於其間飛鳴上下不知在羅網中琴製藏金絲於木櫝飾牙牌十餘於櫝面按牌成聲牌仍隨指而起予以訪緝朱逆得徧歷諸夷之家夷女爲予鼓琴一曲日啖海魚不一其名厥狀甚異論交徧湖海結契由文章嶺南風雅盛月旦多詩狂爭雄

劉黃鄭拔幟吳謝張同游不勝數方外復異鄉六法墨池
擅八分磬泉強十室九臺榭三朝兩壺觴浮瓜海珠寺醉
菊風幡堂雅集必圖誌良游每詩儋雲泉盛祖帳厚誼何
時忘衙官樂清暇宏獎增慚惶誰乎果不朽千載空茫茫
羊城多文字交謝澧浦劉樸石三山張墨池南山磬泉吳
石華鄭萱坪黃香石蒼厓儀墨農孟華墀李芸甫葉雲谷
麥南村馬德隅曾竹屋陳仲卿游客則魏春松姚石甫惲
子居顧劍峯江石生素山胡香海郭蘭池繆蓮仙吳白庵
宋芝山周南卿徐復園萬湘曲何舟周伯恬李紹仔葉蓉
塘劉月鄰陳棠湖方外則淡庵澄波二上人江瀛濤黃越
塵三道士勝地頻游雅集恆舉宦游者更指不勝屈韓桂
船曾賓谷兩先生最爲宏獎風流桂船先生贈余句云人
道李曹皆畫史我慚屈宋作衙官賓谷先生贈余句云可
惜湯生好身手但與吾儕爭不朽至今思之令人汗下雲
泉山館在白雲山余遷靈邱
同人集緇流羽客餞余於此

廿載一遷官何殊船上水三百六十灘波濤平復起出入

生死間船沉石穿底茲游飽看山雖危亦頗喜吾弟見我
來推甕烹鮮鯉別後事如麻燈前語不已參軍名臣裔并
曰賴吾姊骨肉聚異鄉良緣亦偶爾予之官靈邱本應取
道梅嶺以弟峻欽需
次桂林乃攜家由灘江至桂林晤別船觸灘而壞琴書獲
存無幾族姊隨壻趙伯周宦於彼亦喜一聚伯周恭毅裔
鄭虔三絕兼不見一點墨何如一藝專精多千載觀臨川
有三李絕藝各無敵知音自古稀愛我有同癖載酒沙棠
舟杉湖飛玉笛談詩疊彩巖敕厨煩絡繹六洞復三洞連
朝煩蠟展殷勤地主情贈句喜盈冊兼資行李困揮手異
南北交誼更誰知千山夢中碧李松甫芸甫兩郎中春湖
宗丞皆居桂林松甫工詩
芸甫工畫春湖工書時稱一門三絕連日招游
極探奇攬勝之樂又題予琴隱園饒贖百金
貧宦不辭遠所志山水游按圖可悉索獨往思窮搜興安

三洞奇自古游踪少維舟命巾車怯暑犯清曉何年龍出
山石破不得合重淵萬丈深一湧盡壁立愛游不暇吟題
名洞門口一笑後來誰龍歸能見否陡河舟中讀桂梅虞
衡志知興安有三洞
觸暑往游題兩生至三字於
噴龍洞口適遇石工刻之

我本佛國生生來未見佛忽忽四十年今茲見佛活佛壽

自無量吾生乃有涯姓名得不死何用長咨嗟

全州湘山寺供無量

壽佛肉身六月七日舟抵全州值予四十初度因思
先太夫人禱於吾里長壽庵而生汾遂至寺禮佛焉

然竹汲清湘茶餘倚篷坐征帆片片飛歸雁行行過詩腸

到此清自吟還自和日斜酩酊初玉笛吹雲破

湘江舟中
不吟卽飲

婦兄董梅亭醉卽歌予厭笛
倚之予歌則僕羅翔吹笛

有第方典郡握手嗟無由傳家治譜在遺愛沅江頭寄聲

好爲之事業綿箕裘長沙稀舊雨僅見楊道州蘇程總角
好卅載同離憂我母君之姑棄養四五秋漫問別來事先
將涕淚收尊酒何匆匆行人難久留怪我涉湘漢不爲衡
岳游豈知游山緣主者乃石尤今日得風利一面殊難謀
五湖西塞客千載第一流軼掌使我俗總爲空囊羞族弟雲峯
郡守需次長沙適權寶慶不得晤吾族爲楚守者惟伯祖
肖山公一人守沅州有聲乃雲峯祖潯州公胞弟也表兄
楊佩金道州吏目因公在省一醉而別

不負洞庭月常憑綠綺酬誰憐中郎女憔悴眠孤舟狂瀾
使魂斷無恙輸汀鷗恨不一場醉題詩岳陽樓女肅至岳
守陳公燧余戚也送醫療之嘗學琴於母舟夜恆對月數
弄以不得抱琴一登岳陽樓爲憾泛洞庭至鹿角狂風大
作幾至覆舟

少小未離鄉卽聞太行險胡爲挈妻孥垂老安心犯僕夫
惜轅駒侈談破我膽改轍乃避之奈何奇未覽驅車邯鄲
道清露壓茵茵易水風蕭蕭疎林霜已染征途何迢迢白
日去冉冉客心萬古愁馬首千山巉自樊城登車赴太原
僕夫極言太行之險
謂抵獲鹿必改用騾馱因思易州之廣昌縣與
靈邱接壤乃徑趨易州不知車路至易而窮也

殊鄉無故人并乏逆旅主欲前無周行欲住無衡宇到官
只數程巖壑多豺虎孰知傾蓋交割宅誼敦古匹馬出雄
關霜蹄亂山阻羊腸百千折石隙無寸土河流復間之十
步涉四五突見數騎前旌幢雜鉦鼓童叟亦肩摩迎我入
城府停鞭詢鄉俗四境各安堵希聞犬吠聲此身聞可許
易州至靈邱四百餘里在明爲衝塗而車不能通家人必
乘騾轎易州無之又無旅店去住兩難守備徐公素昧平

生爲析公解之半止余家人予得策騎獨先日於亂石中
覓路踰紫荆關涉拒馬河日數十次八月廿九日抵任喜
有夜不閉戶之風

生長江以南不知關塞苦行年將半百忽作窮塞主山城
雜牛羊官舍闔狼虎六月猶重裘千錢博斗黍病妻憂米
鹽時祭虧樽俎守邊際太平抱甕學農圃風雅慚元登豪
雄悲主父何處非吾家得閒卽樂土茅亭借樹營峭石當
窗補四面網青山短琴時一撫

魏邱居萬山之中有黍無
稻一石萬錢他物稱是黃

沙白草苦寒忍饑所幸民安兵戢官多暇日因製一小印
曰太平邊將官舍隙地有餘種黍藝蔬聊以自給又開軒
面圃因樹結亭時與家人
以詩畫琴樽藉消岑寂

王宰喜同調執手樽先傾攜琴去何所壺山秋氣清三人
互操縵山鳥依檐聽圖成詩不朽佳話傳邊氓錦囊積塵

厚十載悲無聲

閩兵廣靈城王竹航利亨明府邀予與兒

曲竹航作圖予自綴
兒逝後不復鼓琴矣

向平五嶽遊乃待婚嫁畢人壽能幾何遊緣安可必元嶽

居窮邊誰工縮地術望祭就曲陽遊踪幾斷絕吾今喜至

此芝草得採擷山靈久落寞無詩亦必乞聊可誇南人樽

前風景說轉惜往來頻尋常耳目忽

北嶽恆山在渾源州
境歷代就祠於曲陽

我朝始得更正靈邱至郡數過其下上海胡青
均刻予詩碑於嶽廟山產芝明有中官充採芝使

言循雁門道遂至并州城趨衙亂如螳不知何所營故人

喜相見怪我雙鬢星憐我邊塞苦何計能謀生況當苦寒

地病骨如何勝華州有二難傾蓋堅詩盟平生無長物藥

餌猶餘贏易裘且免凍歸馬驅層冰

自雲中入雁門至太原
晤郡守福公蔭本

嶺南舊雨又獲交陽曲宰王幼海志澁并其兄干波徵君
志恬以行篋所餘燕蓐蔬售之買裘二襲福公之介紹也
躍馬過滹沱馬頭干笏聳雄關鵬鷲盤狼望成墟冢自我
來成州平刑數出入憶從并代還始見荒城堞半世官爲
家家乃在沙漠入關不同頭何易天公諾

由太原過代州
出平刑關還靈

邱自是撫鎮按部帶兵至繁時或代
州十年之間出入此關指不勝屈

日落馬蹄急城頭角聲哀逆旅臨通衢狂風捲黃埃拂衣
展衾枕對影且揮杯侵晨入幕府劍佩趨同儕 聖朝一

中外頗牧虛雄才守令亦清暇臥治空園扉紛紛東道費

嘖嘖南烹佳元戎憶江左此日梅當開巡檐調白鶴不用

紅爐圍

戊寅賀正至郡同官畢集承平無事排日公
譙總戎劉公榮慶江南泰州人狀元起家

無楫亦無梁桑乾何可渡臨深古所戒不渡更無路流澌

若山移春浪如潮怒四人並渾脫鳧泛無驚怖仰几舉四
隅使我中箕踞踏浪不著泥一鼓俱偃仆性命真鴻毛安
敢輕託付不如信老馬深淺轉無誤前驕得彼岸後騎未
知處四顧驚汪洋中流愁日暮回憶冰堅時搖鞭猶恐懼
履險欲何爲紛紛往來屢郡城往返屢經桑乾水堅則騎而過或步而過水洋則土人以
几渡客几足倒上四人衣渾脫各舉一隅深不能履地踏波而渡行李則戴於頭偶一鼓側不可救矣故予常騎而
過時當雪消春漲險倍常時

飲馬長城窟照見征人骨征人問何代云是築城卒豈惟
祖龍愚前趙後拓跋踵故及有明可憐茲一髮一髮何重
輕 聖朝中外一茫茫古戰場我行當烈日行邊代元戎
安敢計勞逸吾兒已弱冠所事但紙筆願俾厯艱辛不辭

千里挈故壘多虎狼平沙乏藜蘼騎士且忍飢喜茲烽火
絕口庚辰七月奉檄巡邊攜大兒綬名山西甯陽高出德勝
雲中以北至代武靈王自代並陰山下至高闕爲塞是長
城不始於秦也其在宣大以北起赤城至五原則又元魏
泰常八年所築

浮圖卅六丈獨木驚神工果然天下奇愚哉遼道宗好可

更無匹天子爵上公拾級艱樞樓高吟雲霧中誰期江南

客絕域成萍逢殷勤投轄意回首雲千峯庚辰秋於役應

年所建木塔有明武宗書天下奇觀額武宗應州戰捷自
稱威武大將軍朱壽剿寇有功宜特加公爵刺史范承諾
江甯人州尉吳城全椒人山
尊學士姪好客留飲盡歡

雁門亦天險自古多戰爭聖朝務在德歲稔時方清時

清樂無事我來傾州兵地方七百里北接雲中城是皆古

樓煩其南至於并山河相表裏商旅無留停荒祠肅遺像
中載欽忠貞渟沱怒濤湧餘恨何時平壯哉睢陽詩肝膽
照汗青蒐羅一編出英爽宜式憑同官兩知己尊酒歡平
生窮邊得佳客雪夜聞琴聲辛巳予年四十四中丞成果
亭格先檄予權代州參將兼
轄忻州幅輳遼闊幸民俗安恬頗多暇日時雲中守王幼
海志融權雁平觀察刺史則林頴青樹雲皆稱莫逆幼海
客王旭莊天錫明經工琴常相過從旭莊後宰山東利津
猶通尺素明督師孫白谷尙書祠在渚沱之濱遺集散佚
予爲釐訂印行

吾弟官瘴鄉一書動經歲相思千萬言囑我身自愛但愁
我衰頽豈料汝憔悴官卑志自高力貧民感惠方期紹清
芬前程遠未艾顧我鮮兄弟胡爲造物忌汝病書未先汝
殯書不備使無汝友書何年知汝迹一慟誰相聞歸骨百

無計邊城幾同官知心無一二緩急卽願通其貧不我異

閱時已兩月捫搗豈云易熒熒小兒女未必識我字書去

何人看夢隨千里使

辛巳十一月弟峻欽權羅城主簿卒於官年三十九同鄉柳州經歷馮君

繼高爲寄書至乃得遣使三人往迎遺孤四齡女二長七齡次三齡他無親故弟婦孫素患予書過草

龍城距桂林川途數百折間關達吾里風利百餘日孀孤

託蒼頭遽厄膏肓疾空江盡魚蠻莫詣倉扁術吾弟結髮

恩痛心自難割一朝悲殉夫棺衾薄倉卒兩婢三孤雛魚

龍憫嗚咽吾婦女丈夫不辭千里子一子一奚童追隨險

阻越先塋薤榛莽旁營雙櫓穴單車再北征辛苦諸孤挈

破硯與殘書敝帷及短褐檢點不盈筭咸疑賊獲竊吾弟

在官廉本無一長物

弟婦孫扶弟櫬至柳州而予使至馮參軍亦遣一僕送之弟婦忽以腹疾

卒於昭平舟中三孤兩婢皆幼賴僕輩維護以歸吾里吾
婦先期挈綬兒及一童自靈邱至里爲營窺安事畢遣去
二婢攜孤至署是役也吾
婦竭心盡力有足多焉

五臺積古雪六月宜重裘戎王動連騎免冠五體投叱馭
數往復惡墨非儒儔千樽謝東閣一軍雄北樓元戎方按

部猿臂多燕幽莫誇裘帶榮上馬整兜鍪

壬午總戎按部調靈邱官兵至

繁峙與北樓營合操備閱道出五臺未克一登北樓營參將駐繁峙守備駐北樓口例皆旗員爲之巡閱大典將備以下皆戎服從事

羅浮舊黃冠惟有古鶴識短箋入公府知我江南客問我
來何方云從北岳北胡爲入市屢塵土一身積其故無人

知酌我怪我默脫巾敢相贈同抱煙霞癖十載何匆匆一
面不再覩

壬午三月予奉檄捕逆匪祝顯等時當蔚州有剛會趁墟者雲集因挈次子懋名易道服往緝

州尉徐子容廣緒與予神交而未謀面因仍羅浮易貝水
舊名以詩代刺謁之留飲盡歡予脫逍遙巾爲贈結兄弟
交有十年後把臂入林之約後予
罷歸而子容遷嘉善主簿卒於官

鄧峯存古寺主父餘荒墳千年尋古蹟此外空煙雲禍馬
太白山所見麋鹿羣羣山日相對野鶴時一聞欲游旣無

侶欲酌還無賓終年學禪寂幸有古人親鄧峯寺相傳有
鄧雲峯兄妹修

真於寺得名寺在萬山中癸未夏始一游焉趙武靈王墓
在靈邱城外太白爲靈邱主山牧馬於此嘗以調馬一至

雲中稱重鎮士馬如雲屯古者將中軍才智必過人翳子

昧軍旅幸際消邊塵壺觴樂清暇尤喜知交鄰消寒結吟

社屈指冬復春食客何時無高歌達昏晨渾忘窮塞主輒

學平原君癸未年四十六權大同中替游擊公解鄰郡齋
王千波徵君幼海太守兄弟並同官數人過從

無虛極一時文酒之
樂甲申春代還靈邱

十年別春明訪舊十無二同時後閣賓門巷誰猶記朝朝
僕馬勞迤邐必一至新恩早朝篇嘉會故鄉味難伸薄
宦情其歎窮邊瘁君門百官集卯入已畢退一月軟紅

中牽率成何事醉草飛龍蛇墨痕涇襟袂避客欲踰垣鞭

材已盈笥鸞馬辦歸裝回首西山翠

乙酉年四十八予叨薦入都有騾名游嶽

日三百里又紫騮鳥騮二馬皆善步出都無資因割愛鸞之時擬游西山未果

平生知己感屈指無多人巍巍蔣閣老載道謳歌聞十年

繫魂夢別緒始一申我驚公忽老公憐我益貧喜我卽遷

擢勗我倍慎勤薦賢我頻忝敢負知我恩林宗一灑掃濁

酒燈前溫臨風孰調軫邂逅何情親自言家白下門對青

溪春成連世難覓江湖多苦辛爲我一再鼓深情託桐君

焚香兩酬和不覺鄰雞頻感君亦知己一面嗟萍分

舉主蔣礪

堂先生總制直隸予出都至保定謁之一宿逆旅邂逅江南琴師丁贊終夜琴話風塵中殊不易得也

三過紫荆關搔首增離思可憐題糕辰黃塵撲征騎山村

忽見菊對酒生詩意此日江南佳高會詩家例旅人虛度

多何止佳節棄於今老且病遠游回首悻補我舊重陽須

覓中山醉

乙酉秋自保定還靈邱九日度紫荆關宿塔匠驛見菊有詩

隸來自都下報我遷衡州南歸固竊喜途資苦難謀除目

尙遲覩轉冀言者浮牒來遂已果代至益自愁元戎當謁

別一騎雲中投深杯再三勸惜我去難留知我懸空囊問

我將誰求廉泉足解渴諏吉無煩憂此惠何時忘腸斷過

西州

乙酉冬銓浙江衢州左營游擊丙戌春至雲中辭總鎮劉公國慶假三百金作資斧乃行劉公卽前總戎

之弟兄弟狀元後
罷鎮歸泰州卒

右詩一百八首先君之作原爲感舊後人讀之藉可想
見行事其足當自述矣惟作以七十之年詩以未五十
而止則屬稿之未竟歟大都詩之成也必以興會而滄
海茫茫事成追憶誠有難率然下筆者其徘徊有待非
無故也孰知事變猝至而遽爲絕筆之難續也歟先君
盡節金陵眷屬遭殘琴書俱燼遺丁數人及生平詩稿
猶得從間道攜出則皆賴從弟松齡之力而松齡之官
淮上又以隆冬中寒歿於差次方當強仕遽然物化祿
名旣痛先骨之未歸兼悼連枝之早失門祚不幸何至
於斯每一念及誠不知涕淚之安從也咸豐五年歲次

乙卯仲秋男祿名謹識

琴隱園詩集卷三十二終

琴隱園詩集

卷三十二

三